



本

校

校

史

劉思聘

本校創辦於一九一二年，前身為福建學堂，以當時發起人，如已故之楊士榮胡清吉黃好學鄭有蘭楊翰錦鄭顯達吳錫爵諸前輩皆閩籍，而經費來源亦出自閩僑也。

迄一九一五年，主事者咸認不宜囿於地域之見，乃改稱培元學校。其時一切草創，吳錫爵君自兼董教，亦即第一任校長也。董事部以經濟支援且躬與其事者，除上述諸前輩外，碩果之存，今僅有陳玉中先生在。大略推輪，欲叩其詳，多已不復記憶；更無存卷足稽者。大抵當時董事部未見健全之組織，校舍亦僅在務邊律租賃民房一隅，且兩易其址；而學生數初亦寥寥十數人耳。在僑教啓蒙時期，率皆如是，故欲實本校校史，當自務邊律建校時始，為斯時正培元學校發軔之時也。

按務邊律一七八號建校之址，購置於一九一九年，此時校董部之組織略臻完善。初期校內行政，設教務一人主持，如王光遠等先生，校長則由董事部委派吳錫爵君義務兼領。時學制未定，僑校校長由董事部兼領者，往往有之，固無足異。厥後吳君辭兼領，始聘專任校長，第一任即為詔安沈亞民君。董事部首席設總理，則自一九一六年已然；先後任總理者，計有：楊士榮胡清吉林有量杜五福諸前輩，惜均已物故，檔案皆散佚，任期久暫，時間先後，已不可確考矣。一九二一年當地政府施行華校註冊條例，爾時輿論紛紛，衆議莫定；本校又因於經費，總理杜五福知難引退。董事部召開緊急會議，公推吳錫爵君繼任，出維危局；卒因種種問題未能解決，不得不宣告停辦。在此時期一面辦理結束，一面保全校具以待時機。同時遣年事稍長之學生，寄讀於安順培華學校。其時安順華校尙未合併，培華為閩僑所設立之完全小學，故一切得順利進行。一部份低級學童，則由前總理吳寬先生及故董事長鄭顯達先生就本埠安邦街，僦屋暫設學塾，聘本校舊教師劉成鵬君任教。莘莘學子，既免向隅；乃有機緣，徐圖匡復。繼適商場不景，諸主腦董事多因業務，自

起組織培華白話劇社假金寶樂觀戲院義演，籌款成績甚佳，得資萬餘。除部份還債外，悉數購橡園廿餘英畝於打巴彭亨路，以為基金。又重組董事部，籌備復校。吳寬先生輸將至力，周清鴻先生亦參與其事，遂以周君肖肯總理。

本校復辦於一九二三年下學期，聘王光漢君長校，直至一九四〇年止，前後十八年未嘗一易。此在是時之一般華校情形，實為僅見。董教之合作無間與共策共勵者如此，培元學校之磐石底奠，成績亦予人以可見。此一期中，教室由二而增至十二；編制由初小複式而成為完全小學；校舍由務邊律一七八號而擴充至一七六號。至購得美柵律九號黃芳花園舊址，埤陀層次，依金寶山麓，近市不囂，誠學府勝地，因有創辦中學之議。先後任董事部總理者有胡清吉鄭顯達吳寬諸先生，主持之功，俱為不少。一九四一年春，黃芳花園舊址修整竣事，雖仍舊制，權以增辦初中。時僅設初中一年級一班。董事部物色中小學校長人才，特加慎重，幾經考慮，初延劉明君博士屈就，冀穩樹始基。方數月憤於此間殖民地官員之傲慢無理，辭職轉星，至足深惜。校務由教務主任余鴻升君暫代，乃電聘今校長劉思聘君由國內南來，七月底接任。征塵甫釋，百端待舉，首要厥為增建校舍，幸董事部主腦吳寬鄭顯達蔡清滄黃家文陳吉臣等傾力募捐，成績斐然，會繪送校舍新圖專候核准興工。方籌謀有緒，而太平洋戰事爆發，馬來亞淪陷，本校又遭二度停辦矣。然蘊蓄之熱誠與精力，其表現於戰後之復興工作，正大有足觀。

迨一九四五年八月，戰爭平定，十月十一日就務邊律校舍從先復辦小學部。至美柵律新址慘遭毀壞：屋蓋圍牆，門窗桌椅，蕩然無存，且土崩溝塞，教室積泥盈尺，灌木成叢；球場曠地，蒼莽一片。三年八閱月滄桑之變，良堪浩歎，復興之艱鉅可知！時總理吳寬先生忙於整頓私人業務，無暇兼顧，董理其事者為副總理鄭顯

修葺，翌年初中部復辦，仍為初中一年級一班。惟打巴埠之橡園，因在淪陷期間，籍後歸公，迄勝利後滿園滋草，不但無利可獲，尚須益資重闢，不得已議決出售。剋肉醫瘡，移修校舍。其餘尚存銀行，至今為不時週轉之需。

一九四六年董事部改選，主事易稱董事長，鄭顯達先生首任。惜主要董事，如吳寬察清滄黃家文吳慶佳曾孔隆諸前輩先後辭世，鄭君有感獨力難支。幸繼起有人，承先啓後，各有足稱。迄一九四九年春，董事會議，認戰前建校之圖，事功未竟，擬籌廣續。奈是時商場元氣未復，進行維艱。年冬本校初中第一屆畢業班參加會考，成績冠吡叻，曾承視學官獎勵有加，並函董事會請速增建校舍，完成南吡叻最高學府。董事諸公，深荷鼓舞。一九五〇年六月三日建築校舍委員會正式成立，選鄭顯達董事長主其事，周金鈞陳吉臣胡啓聰諸董事副之。向政府申請豁免捐款所得稅及批准新校舍圖樣。諸種手續，稽時半載。翌年二月間，欸籌有著，乃招標承建，加緊進行。然間因建築材料奇缺，圖樣多改，費時經年始告全部落成，計有大禮堂一座，為鄭顯達姚金榜二先生所倡建，並全體學生助成之，額曰自強堂。教室十五間及辦公室，教員宿舍，洋灰籃球場等。堅毅匪勉，卒底于成，耗資亦可廿萬元矣。

開幕于一九五二年十月十一日四十週年校慶紀念日，又舉行成績展覽會及遊藝會。為況之隆，規模之大，一時稱盛；而金寶山麓，鬢宇巍峨，為本埠生色不少。諸董事之鼎力，全體師生之熱誠，功均不可滅。但彰德表勳，當首推鄭顯達先生，捐輸達壹萬伍仟金，且年逾古稀，奔走募捐，席不暇暖，實能人之所難能。至陳吉臣胡啓聰周金鈞諸董事等，與校長劉思聘俱襄佐盡力。捐款之鉅者，有萬生隆寶號，東南亞公司各在伍仟元以上。名譽董事姚金榜先生，身居吉隆坡，竟先後捐達捌仟元，更為難得。其餘捐額逾千金者，大不乏人，未得殫紀。校舍之建築，於茲可告一段落矣。然是時學生人數激增，班級多設，科學館圖書館及教員宿舍尚缺，教室又感不敷，無時不為諸董事及員生所繫懷。籌劃仍殷，早計二次興工，必指顧間事也。

果一九五五年春，本校初中畢業班同學，因鑒於前屆畢業生，奔走南北，升學無門，僉認本校倘不籌辦高中，本屆畢業同學，必進修無路。乃全體聯名呈請董事部，明年自辦。事經董事部數度磋商，終從所請。但幾費周折，方決定開設高中一年級二班，以資容納；適政府又委辦高師班一班。因度緩急，權輕重，決定先建教室，藉應急需，工作之緊，無以復加。翌年夏即完成雙層教室八間，辦公室臨時理

化室各一，與新式廁所一座，包括設備，耗費達七萬餘元。喘息之餘，聊相告慰。然全體師生對科學館之建，尤未嘗忘懷也。咸謂有高中而無科學館，是虛有其表耳。因組織倡建科學館師生捐獻委員會，首先發動，果一呼百應，不閱月而成績可觀；再推動而全功奠定。時逢故董事長鄭顯達主作董事會，垂二十載，因一致通過命名為鄭顯達科學館，以誌偉勳。本校董事會諸公亦然其議，而樂其成。詎天不假年，四月間鄭董事長因宿疾復發，不治辭世，副董事長陳吉臣承其職。科學館遂更名為鄭顯達紀念科學館，並議決於四十五週年校慶紀念日落成。

是年冬政府舉辦火炬運動，登記入學適齡兒童。不意登記擬入本校小學者，非設十一班不足收容，而初中一年級新生亦達三百廿餘名，高中雖仍開兩班，則新設班級，計需二十班，誠令人驚異！此顯示社會人士對本校期望之殷，寄托之重矣。本校董教同人，深知職責，無能旁貸，惟有面對現實，共肩艱巨。本年開學，全校班級計中學部廿一班，小學部廿五班，學生數達二千二百名，蔚為全馬最高學府之一。本校四年來制訂之「限制小學發展中學」的原則，不得不因適應時勢之需求，而改弦易轍焉。

本年本校已進入四十五周年，追跡溯源，固有可徵可紀者；因議決舉行隆重慶祝會，及科學館開幕典禮。果科學館如期於十月十一日落成，壯麗堂皇設備周備；自強堂亦加以拓建，需費亦七萬餘金。十二日正午舉行慶祝大會及開幕典禮，恭請教育部長佐夏里閣下蒞臨揭幕，一時冠蓋雲集，允稱隆盛。二十三兩晚舉行娛樂市，金碧輝煌，儼然繁市，遠近來觀者不下式萬人，咸譽為金寶四十五年來所未見。且售券所入，與熱心人士之捐贈現金及物品，合計可三萬元。支持之熱烈本校董事員生，均深感激勵而不能自己矣。現任董事長陳吉臣監理員胡啓聰財政周金鈞與董事萬生隆寶號鄭受恩楊坤恩先生等，經營策劃，出錢出力之功，至值一書。

回溯復辦以來，學生數激增五倍，中學班級自一班而廿一班，校舍全部新建，悉改舊觀，可云略有成就。揆其主因乃董教兩方，人事安定，董事校長及教師均鮮更易，且融和無間；師生又同德同心，群策群力以成之。斯亦華教前途所胥賴，豈獨培元一校也哉！丁茲創校四十五周年，發展正方興未艾，本文所述，僅觀縷為言，將來必更有足紀。不禁為頌「自強不息我培元」！

